

INFORMACIÓN SOBRE AS PROBAS DO *DELF ESCOLAR* EN GALICIA CURSO 2022/2023

1.- Que é o *DELF Escolar* ?

Os diplomas DELF-Diplôme d'Études en Langue Française (*Diploma de Estudos en Lingua Francesa*) son os diplomas oficiais de lingua francesa expedidos polo Ministerio de Educación Nacional de Francia e recoñecidos internacionalmente por 174 países. A súa validez é indefinida.

O alumnado dos centros públicos da Comunidade Autónoma de Galicia pode presentarse ás probas para a obtención deste diploma ao abeiro do convenio de colaboración asinado entre a Consellería de Cultura, Educación e Universidade e o Servizo de Cooperación e de Acción Cultural da Embaixada de Francia en España (SCAC) polo que se implanta o diploma DELF Escolar en Galicia.

O diploma DELF Escolar ten a mesma validez oficial que o DELF para adultos. As probas están adaptadas para o alumnado adolescente e as taxas de exame son reducidas para o alumnado, tras a sinatura do convenio de colaboración entre as autoridades educativas.

No ámbito académico, as certificacións DELF favorecen a mobilidade estudiantil internacional ao certificar o coñecemento en lingua francesa: o DELF B2 constitúe un acceso directo ás universidades francesas e facilita presentarse para obter unha bolsa Erasmus.

Os niveis ofertados no DELF Escolar corresponden ao A2, B1 e B2 do Marco Común Europeo de Referencia para as Linguas (MCERL). As probas de acceso aos diferentes niveis son independentes e o alumno/a decide aquel no que se matricula.

Cada diploma avalía as 4 destrezas lingüísticas: comprensión e expresión escritas e comprensión e expresión orais. Para obter o diploma deberanse acadar 50 puntos sobre 100 no conxunto da proba. A nota mínima en cada destreza é de 5/25. A nota dunha destreza pode compensar unha nota máis baixa noutra destreza.

Está implantado en Galicia desde o curso 2016/2017 cun éxito salientable. Datos da edición de 2022:



2.- Que alumnado pode presentarse ao DELF Escolar?

Todos aqueles alumnos e alumnas de centros públicos de ensino secundario da Comunidade Autónoma de Galicia que estuden a materia de Francés como primeira ou segunda lingua estranxeira na Educación Secundaria Obrigatoria ou no Bacharelato ou participe en programas de plurilingüismo en francés desta Consellería.

3.- Onde se realizan as probas do DELF Escolar?

As probas do DELF Escolar realizaranse en centros educativos designados pola Consellería. Cada un destes centros está vinculado a un centro oficial das Alianzas Francesas de Galicia -acreditados por *France Education international*- que contan con profesorado con formación pedagóxica específica habilitado oficialmente como persoa examinadora e correctora do DELF.

CENTROS DE REALIZACIÓN DE PROBAS	CENTRO OFICIAL CORRESPONDENTE
IES Eusebio da Guarda (A Coruña)	Alianza Francesa de A Coruña
IES Ánxel Fole (Lugo)	Alianza Francesa de A Coruña
IES Blanco Amor (Ourense)	Alianza francesa de Santiago de Compostela
IES Xelmírez I (Santiago de Compostela)	Alianza francesa de Santiago de Compostela
IES Xunqueira II (Pontevedra)	Alianza Francesa de Vigo
IES Santo Tomé de Freixeiro (Vigo)	Alianza Francesa de Vigo

4.- Datás de realización das probas.

O diploma DELF ofrece unha convocatoria anual. Para 2023 terá lugar nas seguintes datas:

DEL F SCOLAIRE Niveau	PROBAS ESCRITAS (COLECTIVAS)	PROBAS ORAIS (INDIVIDUAIS)	TARIFAS	
DEL F <i>scolaire</i> A2	Xoves 27 de abril de 17.00 a 18.40	Entre o martes 12 de abril e o sábado 13 de maio	74,20 €	Data de publicación dos resultados: 28/06/23
DEL F <i>scolaire</i> B1	Mércores 26 de abril de 17.00 a 18.55		98,70 €	
DEL F <i>scolaire</i> B2	Xoves 27 de abril de 17.00 a 19.30		117,60 €	

5.- Información de interese

<https://www.delf-dalf.es/delf-scolaire/delf-escolar>

6.- Modelos de exames DELF

<https://www.delf-dalf.es>

<https://www.france-education-international.fr/delf-dalf/delf-junior-scolaire>